

যুগান্তর

প্রিন্ট: ২৫ আগস্ট ২০২৫, ০৯:৪৪ এএম

শিক্ষাঙ্গন

জাতীয় বিশ্ববিদ্যালয়ের শিক্ষকদের জন্য জরুরি নির্দেশনা



যুগান্তর ডেস্ক

প্রকাশ: ২৪ আগস্ট ২০২৫, ০৫:৩৭ পিএম



জাতীয় বিশ্ববিদ্যালয়

জাতীয় বিশ্ববিদ্যালয়ের শিক্ষকদের জন্য জরুরি নির্দেশনা দেওয়া হয়েছে। রোববার পরীক্ষা নিয়ন্ত্রক মো. এনামুল করিম স্বাক্ষরিত নির্দেশিকায় এ নির্দেশনা দেওয়া হয়।

অনার্স প্রথম বর্ষ পরীক্ষা-২০২৪ সামনে রেখে নতুন নির্দেশিকা প্রকাশ করা হয়েছে। এতে বহিষ্কৃত পরীক্ষার্থীর হাজিরাপত্রে লাল কালিতে 'বহিষ্কৃত' শব্দ লিখতে বলা হয়েছে।

X

নকল করলে আলামতে লাল কালি দিয়ে আভার লাইন করে উত্তরপত্রের সঙ্গে সংযুক্ত করতে নির্দেশ দেওয়া হয়েছে।

অনুরূপভাবে অনুপস্থিত পরীক্ষার্থী যে বিষয় ও পত্রে অনুপস্থিত থাকবে সে বিষয় ও পত্রে লাল কালিতে ‘অনুপস্থিত’ লিখে কক্ষ পরিদর্শক স্বাক্ষর করবেন।

নির্দেশিকায় বলা হয়েছে, পরীক্ষার সময় কক্ষ পরিদর্শক নিশ্চিত করবেন যে, পরীক্ষার্থী ওএমআর ফরমে রোল নম্বর, রেজিস্ট্রেশন নম্বর এবং বিষয়কোড সঠিকভাবে পূরণ করেছে কিনা। ভুল তথ্য থাকলে সংশ্লিষ্ট স্থানে লাল কালিতে ‘অনুপস্থিত’ লিখতে হবে।

উত্তরপত্রের ওএমআর ফরম এবং বান্ডেল সাবধানতার সঙ্গে ক্রমানুসারে সাজিয়ে করোগেটেড বক্সে প্যাকেট করতে হবে। বান্ডলের লেবেল অনুযায়ী প্যাকেটের ভেতরে অন্য কোনো বিষয় থাকা যাবে না।

বান্ডল পলিথিন ও বেগুনি কাপড়ে মুড়িয়ে পরীক্ষা কোড ২২০১ উল্লেখ করে পাঠাতে হবে। বহিষ্কৃত উত্তরপত্র আলাদাভাবে প্যাকেট করে লাল কালিতে ‘বহিষ্কৃত’ লেখা আবশ্যিক।